



Onsdag skal forvaltningskomiteen igjen handsama saka om frådelling av eit tilleggsareal til ein fritidseigedom like ved Mjødnasundet. Rådmannen går inn for at komiteen ikkje skal ta klagen til følgje og oppretthalda det negative vedtaket som vart gjort i mai. Der vises det til forbodet mot byggjing i strandsona og at det ikkje ligg førre særlege grunnar etter lova til å gje løyve. Svein Skorpen, Onarheim, er klagar.

Han hevdar at vedtaket vart teke på feil og manglande grunnlag, mellom anna fordi sakshandsamar har oppgjeve at 70 prosent av det omsøkte areal ligg innafør funksjonell strandlinje. Klagaren hevdar også at ønska areal ligg utanfor stranda og at arealet ikkje går heilt ned til denne.

Administrasjonen anslår at det rette talet er 50 prosent. Administrasjonen meiner og at sjølv om arealet ligg ovafor sjøve stranda, vil frådelling likevel privatisere deler av denne og leggje beslag på ho.

Administrasjonen vurderer funksjonell strandsona som eit landområde som står i innbyrdes samspel med sjøen. Det er ønskjeleg å kunne ta særlege omsyn til natur- og kulturmiljø, friluftsliv og andre allmenne interesser i strandsona, blir det påpeika i saksutgreiinga.

Av Ola Matti Mathisen